

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na 45. sjednici održanoj dana 30.12.2020. godine, donijelo je

**ODLUKU  
O UTVRĐIVANJU POSEBNOG ZNAČAJA ZA GRAD  
SARAJEVO ZA UDRUŽENJA: VIJEĆE KONGRESA  
BOŠNJAČKIH INTELEKTUALACA, SRPSKO  
GRADANSKO VIJEĆE - POKRET ZA  
RAVNOPRAVNOST U BOSNI I HERCEGOVINI I  
HRVATSKO NARODNO VIJEĆE U BOSNI I  
HERCEGOVINI**

**I OPĆE ODREDBE**

**Član 1.**

Ovom Odlukom utvrđuje se da su udruženja: Vijeće Kongresa bošnjačkih intelektualaca, Srpsko građansko vijeće - Pokret za ravnopravnost u Bosni i Hercegovini i Hrvatsko narodno vijeće u Bosni i Hercegovini (u daljem tekstu: "Udruženja") od posebnog značaja za Grad Sarajevo i njegovu afirmaciju kao multikulture i multietničke sredine, te se određuje način njihovog sufinansiranja.

**II KRITERIJI I NAČIN SUFINANSIRANJA  
KULTURNIH DRUŠTAVA**

**Član 2.**

Udruženja iz člana 1. ove odluke, Grad Sarajevo sufinansira iz sredstava budžeta Grada Sarajeva sa pozicije: Primjena Odluke o utvrđivanju posebnog značaja za Grad Sarajevo za udruženja: VKBI, SGV Pzr u BiH i HNV u BiH.

**Član 3.**

Sufinansiranje Udruženja, iz člana 2. Odluke, vrši se u skladu sa sljedećim kriterijima:

1. izvod iz registra Udruženja za sufinansiranje programa, odnosno manifestacije (original ili ovjerena kopija ne starije od šest mjeseci);
2. uvjerenje o poreskoj registraciji - identifikacioni broj i broj transakcijskog računa u poslovnoj banci (original ili ovjerena fotokopija ne starije od šest mjeseci);
3. prijedlog godišnjeg plana rada - programa, uključujući plan troškova;
4. značaj ponuđenih programa za unaprjeđenje multikulturenog i multietničkog karaktera Grada Sarajeva, kao i doprinos njegovom ugledu i promociji, kao kosmopolitskoj, tolerantnoj i otvorenoj sredini;
5. finansijski izvještaj o utrošku sredstva odobrenih u prethodnoj godini.

**Član 4.**

Udruženja su dužna podnijeti zahtjev za sufinansiranje, gradonačelniku/ci Grada Sarajeva, sa dokumentacijom iz člana 3. Odluke i to najkasnije do 30. septembra tekuće godine.

Administrativnu obradu podnesenih zahtjeva iz stava 1. ovog člana, sa aspekta ispunjavanja kriterija iz člana 3. Odluke, sa prijedlogom iznosa budžetskih sredstava, vrši nadležna Služba, te isto upućuje gradonačelniku/ci Grada Sarajeva, u cilju utvrđivanja potrebnih namjenskih budžetskih sredstava za narednu budžetsku godinu.

Za realizaciju namjenskih sredstava u budžetu Grada Sarajeva, Udruženja podnose zahtjev gradonačelniku/ci Grada Sarajeva, za realizaciju istih, a na osnovu kojeg se zaključuje oćgovarajući ugovor.

**III ZAVRŠNE ODREDBE**

**Član 5.**

Nadzor nad provedbom Odluke vrši gradonačelnik/ca Grada Sarajeva, putem nadležne Službe i o provođenju iste, jednom godišnje informiše Gradsko vijeće Grada Sarajeva.

**Član 6.**

Izmjene i dopune Odluke, vrše se na način i po postupku za njeno donošenje.

**Član 7.**

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1291/20  
30. decembra 2020. godine  
Sarajevo

Predsjedavajući  
Gradskog vijeća  
Dr. Igor Gavrić, s. r.

**OPĆINA ILIDŽA**

**Općinsko vijeće**

Na osnovu člana 35. i 38. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14, 13/14, 8/15, 9/15, 102/15, 104/16, 5/18, 11/19 i 99/19) i člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06, 51/09) i člana 28. Statuta Općine Ilidža - Prečišćeni tekst ("Službene novine Kantona Sarajevo", broj 33/10, 18/16), Općinsko vijeće Ilidža, na 1. vanrednoj sjednici održanoj 30.12.2020. godine, donijelo je

**ODLUKU**

**O PRIVREMENOM FINANSIRANJU POTREBA  
OPĆINE ILIDŽA ZA PERIOD JANUAR - MART 2021.  
GODINE**

**Član 1.**

Ovom Odlukom reguliše se privremeno finansiranje potreba Općine Ilidža do donošenja Budžeta za 2021. godinu, a najduže do 31.03.2021. godine.

**Član 2.**

Privremeno finansiranje vrši se najviše do tromjesečnog prosjeka izvršenja Budžeta za 2020. godinu za izdatke i projekte koji se kontinuirano finansiraju iz budžeta Općine.

**Član 3.**

- (1) Zbog specifičnosti perioda realizacije kontinuiranih projekata Općine, ugovornih i zakonskih obaveza, privremeno finansiranje izdataka i projekata može se vršiti i srazmjerno sredstvima utrošenim u istom periodu 2020. godine.
- (2) Izuzetno od stava 1. ovog člana, mogu se izvršiti rashodi i izdaci koji se finansiraju iz uplaćenih i prenesenih pomoći, donacija i prihoda za posebne namjene, a prema Zaključcima Općinskog Načelnika.

**Član 4.**

Ne mogu se započeti novi ili prošireni programi i aktivnosti dok se ne donese Budžet za 2021. godinu.

**Član 5.**

Ostvareni prihodi i primici, te izvršeni rashodi i izdaci u periodu privremenog finansiranja uključuju se u Budžet 2021. godine.

**Član 6.**

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjuje se od 01.01.2021. godine

Usvajanjem Budžeta Općine Ilidža za 2021. godinu, ova Odluka se stavlja van snage.

Broj 01-02-6045/20-3  
30. decembra 2020. godine  
Ilidža

Predsjedavajući  
Tarik Stambolić, s. r.